



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 395. Usque Ad Annum 428

Fleury, Claude

August. Vind. [u.a.], 1759

VD18 90117794

§. 51. Seditio Comitis Bonifacii.

[urn:nbn:de:hbz:466:1-66042](https://nbn-resolving.org/urn:nbn:de:hbz:466:1-66042)

Sæculum V.

A. C. 427.

§. LI.

*Seditio Comitis Bonifacii.**Aug. ep.*
222.

Bonifacio Comiti, elata uxore, Militia valedicere, & vitam Monasticam amplecti cogitanti, S. Augustinus, & S. Alypius aliam mentem indiderant, rati, si in Sæculo permaneret, statui, & Ecclesiæ utiliore futurum; consilium vero fugerant, ut a rebus perituris mentem averteret, & continentiam servaret. Verumtamen post hæc ab Imperatore in Hispaniam migrare jussus, secundam uxorem accepit mulierem, Vandalorum Regibus affinem, hisque nuptiis eorum amicitiam sibi conciliavit. Aetius inter Romanorum Duces potentia soli Bonifacio secundus, tunc in Italia degens, amicitia prætextu usus est, ut innocentem calumniaretur apud Imperatricem Placidiam, sub filii Valentiniani pueritiam Regni fasces gubernantem. Dicebat, Bonifacium haud diu amplius imperata facturum, sed totius Africae Regnum affectare: in proditoris argumentum, addidit: *si mandatum miseris, ut in Italiam redeat, venire detrectaret.* Interim ad Bonifacium litteras dedit; si ab Imperatrice accerferetur, caveret venire, quod eum perdere constituisset. Ut indicio fidem adstrueret, addidit, nihil jam causæ esse, cur advocaretur. Bonifacius si-

Procop. 1.
bell. Van-
dal. c. 3.

dem adhibuit perfide monenti Aetio, quem olim clientem habuerat, & suis curis promotum, sibi fidelissimum putabat. Itaque mandato accepto ut ad Imperatorem rediret, obedire renuit, & ingestam ab Aetio suspicionem confirmavit.

Tunc vero Bellum Bonifacio dictum, & tres Duces cum copiis missis, quos devicit, tandemque Comes Sigisvult successit. Bonifacius, ne succumbere cogeretur, in Hispaniam misit, qui cum Principibus Vandalis, nempe Gonthari, & Gizerico, seu Genferico foedera tractarent. Inter eos conventum, ut Africam partirentur in tres Regiones, cuique eorum partem unam cederet, tertiam sibi Bonifacius haberet. Unusquisque Regnum suum supremo jure possideret, at contra aggressorem communibus viribus se tuerentur. His foederibus pactis, Vandalis, fretum transvecti in Africam transmiserunt, Hispania Visi-Gothis relicta, quorum potentiam non ferebant. Cum Vandalis Alani quoque, Gothi, mixtique aliarum nationum homines commigrarunt; cum infantibus, & Senibus, Dominis, & servis octoginta millia recensita. Numerum iniri Genfericus jusserrat, ut terrorem late spargeret, vulgatumque est, octoginta millium dimicantium esse exercitum. Regiones, quas pacatas

Sæculum V.
A.C. 427.

Poss. vit.
c. 28.

N n n 2 inve-

Sæculum V. invenerunt, vastarunt cædibus, & incendiis, succisique arboribus, in Ecclesias præprimis, cum Ariani essent, defæciebant. Vandali in Africam transvecti anno 428. Tauro, & Felice Consulibus.

Chro. Pasch.

§. LH.

S. Augustini Epistola ad Bonifacium.

*Ep. 220.
al. 70. n. 2.*

Inter hæc S. Augustinus ad Bonifacium dedit epistolam, qua conatur virum ad meliora reducere consilia. Initio mentem suam aperit, quod nec de ejus potentia, nec de vitæ conservatione, sed tantum de æterna Salute esset scripturus: scio, inquit: non tibi deesse, qui te amore profano diligunt, & consilia secularia suggerunt, sed haud ita facile est, deficiente occasione, animæ tuæ salutaria afferre.

n. 4.

In memoriam deinde reducit consilium Mundum relinquendi, & arguit, quod secundis nuptiis implicuerit. Non nullum quidem, inquit: solatium cepi, dum mihi relatum, noluisse te banc mulierem ducere, antequam fidem Catholicam suscepisset, at nihilominus tanta est in domo tua Arianorum potentia, ut filiam tuam baptizaverint; & si vera audivimus, etiam Virgines, Deo Sacras, rebaptizarunt. Dicunt præterea non nulli, uxorem libidini tuæ non sufficere, sed etiam concubinas a te

n. 6. *ali.* Tum mala repræsentat, quæ infamitas nuptias secuta fuerant, nempe seditionem

n. 7.